

# **Рамазоннинг сўнгги 10 кунини қандай ўтказиш керак?**



15:25 / 17.05.2020 14673

Вақт шафқатсизларча ўтиб кетаяпти. Мана Рамазонни охирги ўн кунлиги кириб келди. Бу сўнгги ўн кунликни ўзига хос қилган нарса “Қадр кечаси” нинг яширганлигидир. Бизга маълумки, Набий соллалоҳу алайҳи васалламбу кунларда бошқа вақтга нисбатан ибодатга кўпроқ берилар эдилар. Ҳозир сизга бу кечаларда қилиш керак бўлган ўнта тавсияни берамиз.

## **Тунларни ибодат билан ўтказинг !**

**«Албатта , Биз у (Қуръон)ни Лайлутул Қадрда туширдик. Лайлутул Қадр қандоқ нарса эканини сенга нима билдири? Лайлутул Қадр минг ойдан яхшироқдир. Унда фаришталар ва Рух Роббилари изни билан барча ишлар учун тушадир. У то тонг отгунча салом бўлиб турадир. (Қадр сураси, 1-5 ояллар)**

Биздан тез-тез қўйидаги саволни сўраб туришади:“Қадр кечаси айнан қайси куни бўлади?”. Тақвимларда бу аниқ 27-кечалиги айтилади. Маълум бир санага боғлаб қўйиш мумкин эмаслигини биламиз, чунки Набий (саллаллоҳу алайҳи васаллам): “Қадр кечасини Рамазоннинг охирги ўн кечасининг тоқ (кеча)ларида изланглар”, дедилар. (Имом Бухорий 2017)

Рамазоннинг охирги ўн кунлигининг ҳар бир кечасига алоҳида эътибор бериб кўпроқ ибодат қилишимиз учун Ҳаким зот Аллоҳ Қадр кечасини яшириди. Бу кечаларда нафл ибодатлар : тарових ва тахажжуд намозларини ўқишлик матлуб ишлардан. Чунки сиз Қадр кечасига, дуолар мустажоб ва одамларнинг тақдиди хал бўладиган кечани топишингиз мумкин.

### **Гуноҳларингиз учун истиғфор айтинг.**

Набий (саллаллоҳу алайҳи вассаллам): “Ким Лайлутул Қадрни иймон ва ихлос билан қоим бўлиб ўтказса, унинг ўтган гуноҳлари мағфират қилинур”, дедилар. (Имом Бухорий 38)

Бу пайтда ўқиладиган энг яхши дуолардан бирини Набий соллалоҳу алайҳи вассаллам Оиша розияллоҳу анҳога ўргатганлар.

«Аллахумма иннака ‘афуввун тухиббуль-‘афва фа`фу анни»

«Эй Аллоҳ , Сен Ғофурур Роҳиймсан ва Сен авф қилишни яхши кўрасан, бизни мағфират қилган.»

(Имом Термизий ривояти).

### **Дуолар рўйҳатини тузиб олинг.**

Бу сиз Аллоҳдан ҳакқига дуо қилишни истаган одамлар рўйхати ёки ўзингизнинг шахсий иш ва ниятларингиз бўлиши мумкин. Бу нарса сизга ҳаёлингизни бир ерга жамлашни ва сизга ҳеч нарсани ўтказиб юбормаслик имконини беради. Бундан ташқари, бу сизга ниятларингизни таҳлил қилишга, яқин орада дуоларингиз мустажоб бўлиши учун ўзингиз тарафдан нима қила олишингиз мумкинлиги ҳақида ўйлаб кўришга яхши имконият туғдиради.

### **Қуръон тиловат қилинг**

Рамазон – Қуръон ойи. Айнан шу ойда бизнинг муқаддас китобимиз нозил бўлди. Қуръон ўқиш фазлини тўхтовсиз гапириш мумкин.

Абдуллоҳ ибн Амр розияллоҳу анҳу ривоят қиладилар:

Набий соллалоҳу алайҳи вассаллам: «Рўза ва Қуръон Қиёмат куни инсонга гувоҳлик беради. Рўза: “Эй Аллоҳ мен уни кун давомида емоғидан, ичмоғидан ва шаҳватидан маҳрум қилдим, менга уни шафоат қилишга изн

бер.” Қуръон : “Эй Роббим, мен уни кечаси уйқусидан маҳрум қилдим, менга уни шафоат қилишга изн бер”, дейди. (Имом Аҳмад ривояти 3882)

Яна Набий соллаллоҳу алайҳи васаллам: “Сизларнинг яхшиларингиз, Қуръон ўқиганингиз ва уни бошқаларга ўргатганингиз”, деганлар. (Сахихул Бухорий)

## **Эътикоф.**

Одатда Набий соллалоҳу алайҳи васаллам Рамазоннинг охирги ўн кунини масжидда эътикофда ўтказар әдилар. Эътикоф амалини қиласиган киши, бу вақтда масжидга келади, ҳар хил зикрлар билан машғул бўлади, нафл намозлар ўқийди, Қуръон ўқийди ва ўрганади. У масжиддан чиқмайди фақат зарур хожатлари учунгина чиқади. Қисқа муддатли, бир кечалик ё бир кунлик ёки икки кунлик эътикоф ҳам мақтовга сазовор.

## **Ҳар бир сонияни Аллоҳни зикр қилишга сарфлаш.**

Афсуски, бугунги кунимизда дунё ишларидан воз кечиб охирги ўн кунни масжидда эътикофда ўтказиш мушкул. Бироқ ўтириб олиб, ибодат учун бу вақтни кутиб ўтириш ярамайди, ҳаракат қилиш керак ва бу вақтни топиш керак. Бўш қолдингизми Аллоҳни зикри билан банд бўлинг. Бир нечта зикр калималарини ўрганиб олинг, ва уларни уй йиғиштирганингизда, бекатда автобус кутганингизда, дўконга борганингизда такрорлаб юринг.

## **Садақа қилиб туринг**

Бу вақтда қийин аҳволга тушиб қолганларга ёрдам бериш керак. Сиз уларни ҳам моддий ҳам маънавий қўллаб қувватлашингиз мумкин. Сизнинг ҳар бир ҳаракатингиз бир неча бор кўп миқдорда сизга қайтади. Ва албатта фитр садақасини беришни унутманг.

## **Умрингизда охирги марта рўза тутаётгандек рўза тутинг**

Бизнинг рўзамиз таомланиш, ичкилик ичишдан ва шаҳватдан тийилишдан иборат. Бу вақтда рўза бизларга зарар келтирадиган ва фойда келтирмайдиган барча нарсалардан воз кечишга ёрдам беради: тажовуз, ғийбат, бетайин фильмларни томоша қилиш, қуруқ гаплар ва ҳоказолар. Гапираётган, тинглаётган ва томоша қилаётган нарсаларингизга алоҳида эътибор қаратишликка ҳаракат қилинг. Бу кунларни ўзингизнинг сўнгги кунларингиздек Аллоҳнинг Кудрат Азаматини ҳис қилган холда, Унга итоатда яшашликка ҳаракат қилинг.

## **Ўзингизга баҳо беринг**

Сўраш керак бўлган саволларни ўзингизга беринг. Ўзингизни баҳоланг - нималарга эришдингиз ва нимага интилаяпсиз. Бу каби баҳолаш сизга қилган эзгу амалларингиздан қувонишга ва гуноҳ ишларингиз учун тавба қилишга сабаб бўлади. Бундан сўнг бу муборак кечаларда Аллоҳдан дуо илтижоларингизда мағфиратини сўрашингиз ҳам осон бўлади.

## **Бу ўн кундан имкон қадар унумли фойдаланинг**

Ҳамма имкониятларингизни ишга солиб, бу ўн кунликдан имкон қадар фойдаланинг. Унутманг кейинги Рамазон бир йилдан кейин келади, ва бу бизга насиб қиладими йўқми билмадик, ҳеч нарсага кафолат йўқ..

Аллоҳ ҳамма ибодатларингизни ҳусну мақбул айласин, ва вақтингизга барака берсин.

***Isлом.uz портали***